



Angajoqqaat aningaasaatikiillortut pillugit kisitsisit pitsaanerulersimanninnerat Jonna Ketwap nikalluallannartuunerarpai

Anaana ataatalu aningaasaateqanngikkaangata meeqqat ajorsartuusarput

11. december 2017 · 07:09 af [Merete Lindstrøm](#) · Versionering: [Simon Uldum](#) -

Nunatsinni angerlarsimaffiit meerartallit 1200-nit amerlanerusut aningaasaatikiillorfiupput. Nunatsinni Naatsorsueqqissaartarfiup aningaasaatikiillortut pillugit ukiumoortumik nalunaarusiaani sapaatit akunneranni uani saqqummersinneqartumi tamanna atuarneqarsinnaavoq.

Ilaqutariit Isaksenikkut niuerniassagaangamik aningaasaateqarpallaarneq-ajorput



- Akikillisaannarnik pisiniartarpunga, Didda Isaksen oqarpoq.

Didda Isaksen, pingasunik qitornaqartoq kisimiittuullunilu Qaqortumi najugaqartoq taama oqaluttuarpoq. 4.000 koruunit sinnilaarlugit qaammammut inuussutigisassaraat, atisallu nutaat allallu akissaqartinneqanngikkaangata oqitsuinnaaneq-ajorpoq.

LÆS OGSÅ [Fire procent af befolkningen lever for mindre end 76.000 kroner](#)

- Meeqqakka sinngallutik angerlartarput. Qanoq-iliuuseqassalluni nalunarpoq, Didda taama oqaluttuarpoq.

Jonna Ketwa Red Barnetip Nunatsinni immikkoortortaqarfiani siulersuisuni siulittaasuvoq ilaqtariillu Diddakkutut ittut ulluinnarni ikiortarpei.

- Siullertut, pingaaruteqarpoq ilaqtarinnik taamatut inuusoqarnera ilumoorulluinnassallugu. Kalaallit Nunaanni meeraqarpoq taamatut atugaqartunik, taamaamat iliuuseqarfiginissaanut tamatta akisussaaffeqarpugut, Jonna Ketwa taama erseqqissaavoq.

Diddami kisiartaalluni ulluinnarni taamatut atugaqartuunngilaq. Angajoqqaat kisimiittut 194-it aningaasaatikilliortuupput, meeqqallu taamatut atugaqartitaallutik peroriartornerat annertuupilussuarmik kingunerlutsitsisinnaavoq, Jonna Ketwa, ulluinnarni tarnip pissusiinik ilisimasalittut suliaqartoq taama oqaluttuarpoq.

- Amerlanertigut matoqqanerulersarput. Ikinngutitaarnissartik ajornakusoortittarpaat. Meeraqatimisulli periarfissaqartiginngilallat. Nalinginnaasumillumi nammineq naleqassutsimik misigisimanerannut sunniuteqartarpoq aamma ineriartornerannut sunniuteqartarpoq ineriartornissamut allatulli periarfissaqannginnamik, Jonna Ketwa taama oqarpoq.

Red Barnet meeqqat aammalu ilaqtariit ataatsimoortillugit aqqissuussisarpoq, piffissamilu matumanerpiaq immikkut iliuuseqarnissamut pingaaruteqartoq, Jonna Ketwap oqaatigaa.

- Pingaartumik juullip nalaani ernumanartuuvoq, imaassinnaagami pisariaqartitatik pisinnaanngikkaat, Red Barnetimi siulittaasoq taama oqarpoq.



Nyhedsbrev - Nyheder fra KNR på mail

Morgennyheder Eftermiddagsnyheder Breaking news

Email adresse

Postnummer

TILMELD